



Uhapšen Đorđe Ristanić

Pripadnici Državne agencije za istrage i zaštitu (SIPA) uhapsili su jučer Đorđa Ristanića zbog sumnje da je učestvovao u zločinima počinjenim tokom 1992. na području Brčkog, javlja BIRN. Ristanića državno Tužilaštvo sumnjiči da je, kao predsjednik Ratnog predsjedništva opštine Brčko, zajedno sa drugim pripadnicima policije i vojske, planirao, naređivao i podstrekavao progon nesrpskog stanovništva na tom području. Kako je navedeno iz Tužilaštva BiH, istragu protiv Ristanića je započelo haško tužilaštvo, nakon čega je predmet ustupljen državnom.

Udruženje za društvena istraživanja i komunikacije (UDIK) pozdravlja hapšenje ratnog gradonačelnika Brčkog Đorđa Ristanića. "U više navrata potcrtavali smo važnost ovog dana, jer je bivši gradonačelnik izbjegavao procesuiranje. Poznato lice srpskog gradonačelnika sa TV-a '92. tvrdilo je zapadnim medijima: - Ja čvrsto garantujem da u Brčkom nije ubijen nijedan civil od srpske ruke, nego je ubijen od muslimanskih i hrvatskih granata. Odmah nakon ovih izjava američki listovi su objavili fotografije egzekucije Huseina Krše i Hajrudina Muzurovića u Zanatskom centru u Brčkom", saopćeno je iz UDIK-a. Inače, Ristanić je bio svjedok u predmetu protiv Radovana Karadžića u ICTY-u.